

# Akashvani, Sambalpur

## SAMBALPURI NEWS EVENING BULLETIN

8 May 2024- 7.02 pm- 7.12 pm.

\*\*\*\*\*

୧- ଦେଶେ ଝ ନମ୍ବର ଖେପ୍ ଲୋକ୍ଷଭା ନିର୍ବାଚନ୍ଥୁ ି ଟା ରାଜ୍ୟ ଆର୍ କେନ୍ଦ୍ରଶାସିତ୍ ଅଂଚଲର ୪୯ ଟା ଆସନ୍ ଲାଗି ୬ ଶହ ୯୫ ଝନ ପ୍ରାର୍ଥୀ ଲଭ୍ବେ ନିର୍ବାଚନ୍ ।

୨- କେନ୍ଦ୍ର ପ୍ରତିରକ୍ଷା ମନ୍ତ୍ରୀ ରାଜନାଥ ସିଂ ଆଏଜ୍ ଦିନ୍କିଆ ଓଡ଼ିଶା ଗସ୍ତଥ୍ ଆସିକରି ଦଲୀୟ ପ୍ରାର୍ଥୀଙ୍କର୍ ଲାଗି କଲେ ନିର୍ବାଚନ ପ୍ରଚାର ।

- ଆଏବା ୧୦ ତାରିଖ୍ ଓଡ଼ିଶା ଆସ୍ବେ ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ।

୩- ଆଏଜ୍ ବିଶ୍ୱ ରେଡ଼କ୍ରସ୍ ଦିବସ୍ ।

- ଭିନ୍ ଭିନ୍ ଜାଗା ନ ଚାଲିଛେ ସଚେତନତା କାର୍ଯ୍ୟକ୍ରମ୍ ।

ଆଉର୍

୪- ବୌଦ୍ଧ ଜିଲ୍ଲା ନ ଆଏଜ୍ ଆତ୍ମସମର୍ପଣ୍ କଲେ ୯ ଝନ୍ ମାଓବାଦୀ ।

ଲୋକସଭା ନିର୍ବାଚନ - ୨୦୨୪ ଓ ନୟନ ଖେପ

ଆରବନୟନ/ ସମଲପୁର

ଲୋକସଭା ନିର୍ବାଚନର ଓ ନୟନ ଖେପେ ୮ଟା ରାଜ୍ୟ ଆର କେନ୍ଦ୍ର ଶାସିତ ଅଂଚଳନ ୬ ଶହ ୯୫ ଝନ ପ୍ରାର୍ଥୀ ନିର୍ବାଚନ ଲଢ଼ବେ । ଇ ଖେପର ଲାଗି ୮ଟା ରାଜ୍ୟ ଆର କେନ୍ଦ୍ର ଶାସିତ ପ୍ରଦେଶର ୪୯ଟା ନିର୍ବାଚନ ମଣ୍ଡଳୀନ ମୋଟ ୧ ହଜାର ୫ ଶହ ୮୨ଟା ପ୍ରାର୍ଥୀପତ୍ର ଦାଖଲ ହେଇଥିଲା । ନାମାଙ୍କନ ପତ୍ର ଦାଖଲର ଶେଷ ଦିନ ଇ ମାସର ୩ ତାରିଖ ତକ୍ ଥିଲା । ନାମାଙ୍କନ ପତ୍ର ଯାଂଚ କରବାର ଉତ୍ତରୁ ୭ ଶହ ୪୯ ଟା ପ୍ରାର୍ଥୀପତ୍ର କାଏମ ରହିଥିଲା । ମହାରାଷ୍ଟ୍ରର ୧୩ ଟା ନିର୍ବାଚନ ମଣ୍ଡଳୀ ଲାଗି ସବୁନୁ ଜହ ୫ ଶହ ୧୨ ଟା ପ୍ରାର୍ଥୀପତ୍ର ଦାଖଲ ହେଇଥିବାର ବେଲେ ଉତ୍ତରପ୍ରଦେଶର ୧୪ ଟା ଲୋକସଭା ନିର୍ବାଚନ ମଣ୍ଡଳୀ ଲାଗି ୪ ଶହ ୨୨ ଟା ପ୍ରାର୍ଥୀପତ୍ର ଦାଖଲ କରାଯାଇଥିଲା । ଝାରଖଣ୍ଡର ଛତ୍ତରା ସଂସଦୀୟ କ୍ଷେତ୍ର ଲାଗି ସବୁନୁ ଜହ ୨୯ ଟା ନାମାଙ୍କନ ପତ୍ର ଦାଖଲ ହେଇଥିଲା । ଓଡ଼ିଶାର ୫ ଟା ସଂସଦୀୟ କ୍ଷେତ୍ର ଲାଗି ୮୭ ଟା ପ୍ରାର୍ଥୀପତ୍ର ଦାଖଲ ହେଇଥିଲା । ସେଥି ଯାଂଚ ଆର ପ୍ରତ୍ୟାହାର ଉତ୍ତରୁ ୪୦ ଝନ ପ୍ରାର୍ଥୀ ଭୋଟ ଲଢ଼ବେ ।

ମୁଖ୍ୟ ନିର୍ବାଚନ ଆୟୋଗ ନିର୍ବାଚନ ପ୍ରସ୍ତୁତି ସମୀକ୍ଷା

ଦେଶେ ଆଏବା ୧୩ ତାରିଖ ଦିନ ୪ ନମ୍ବର ଖେପ୍ ଲୋକସଭା ନିର୍ବାଚନ ଲାଗି ଭୋଟ୍ ହେବା । ହେଥିଲୁଲାଗି ଭାରତର ନିର୍ବାଚନ ଆୟୋଗ ଆଏଇ ନିର୍ବାଚନ ପ୍ରସ୍ତୁତିର ସମୀକ୍ଷା କରିଛନ୍ । ଇ ସମିଆଥି ଦେଶର ଭିନ୍ ଭିନ୍ ଜାଗା ନ ନିୟୋଜିତ ହେଇଥିବା ୩ ଶହ ୫୪ ଝନ୍ ପର୍ଯ୍ୟବେକ୍ଷକ ଆର୍ ମୁଖ୍ୟ ନିର୍ବାଚନ ଅଧିକାରୀ ମାନକର୍ ସାଙ୍ଗେ ନିର୍ବାଚନ ଆୟୋଗ ଆଲୋଚନା କରିଛନ୍ । ନିର୍ବାଚନକେ ସ୍ତ୍ତ, ଅବାଧ, ନିରପେକ୍ଷ ଆଉ ଶାନ୍ତିଶୃଙ୍ଖଳାଥ ପରିଚାଳନା କରବାର ଲାଗି ଆୟୋଗ ନିର୍ଦ୍ଦେଶ ଦେଇଛନ୍ । ତାତିକେ ନଜର୍ଥ ରଖିକରି ପୁଲିଂ ବୁଥ ମାନକେ ସବୁ ରକମର ବ୍ୟବସ୍ଥା କରବାରକେ କୁହାଯାଇଛେ । ଇ ସମୀକ୍ଷା ବୈଠକ୍ଥ ମୁଖ୍ୟ ନିର୍ବାଚନ ଆୟୁକ୍ତ ରାଜୀବ୍ କୁମାରକର୍ ସହେତେ ନିର୍ବାଚନ ଆୟୁକ୍ତ ସୁଖବୀର୍ ସିଂ ସାହୁ ଆର୍ ଜ୍ଞାନେଶ୍ କୁମାର୍ ଉପସ୍ଥିତ୍ ଥିଲେ ।

ପ୍ରଧାନମନ୍ତ୍ରୀଙ୍କ ଗସ୍ତ/ ରାଜନୀତ୍ ସିଂ ଆରବନ୍ଧୁ/ କଟକ୍

ବିଜେପିର ବରିଷ୍ଠ ନେତା ଆଉ ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ୨ ଦିନିଆ ଓଡ଼ିଶା ଗସ୍ତ୍ ଆସବେ । ଶ୍ରୀ ମୋଦୀ ଆଏବା ୧୦ ତାରିଖ ଭୁବନେଶ୍ୱର ନ ପୁହୁଟିକରି ଗୁଡେ ରୋଡ୍

ସୋଥି ଯୋଗ ଦେବାର କାର୍ଯ୍ୟକ୍ରମ ରହିଛି । ଶ୍ରୀ ମୋଦୀଙ୍କର ରୋଡ୍ ସୋ ମାଷ୍ଟର କୋଟିନ୍ ଛକକୁ ବାଣୀବିହାରତକ୍ କରାଯିବ । ଇଥିରଲାଗି କମିଶନରେଟ୍ ପୁଲିସ୍ ତରଫୁ ୫୦ ପ୍ଲାଟୁନ୍ ପୁଲିସ୍ ଫୋର୍ସ ବ୍ୟବସ୍ଥା କରାଯାଇଥିବାର ବେଳେ ଇଥି ୩ ଶହ ୫୦ ଝନ୍ ପୁଲିସ୍ ଅଧିକାରୀ ମୁତୟନ ହେବେ । ଆଏବା ୧୦ ଆଉ ୧୧ ତାରିଖ ପ୍ରଧାନମନ୍ତ୍ରୀଙ୍କର ଭୁବନେଶ୍ୱର ରୋଡ୍ ସୋ ସହେତେ କନ୍ଧମାଲ, ବରଗଡ୍ ଆଉ ବଲାଙ୍ଗିର ନ ହେବାରକେ ଥିବା ସତ୍ତା ଠାନ୍କେ ନୋ ପ୍ଲାଇଜ୍ ଜୋନ୍ ଘୋଷ୍ଣନା କରାଯାଇଛି ।

ଆଏଜ୍ କେନ୍ଦ୍ର ପ୍ରତିରକ୍ଷା ମନ୍ତ୍ରୀ ରାଜନାଥ ସିଂ ଦିନକିଆ ଓଡ଼ିଶା ଗସ୍ତ ନ ଆସିକରି ଭବାନୀପାଟ୍ନା ନ ବିଜେପିର ନିର୍ବାଚନ୍ ପ୍ରଚାର କରିଛନ୍ । ସେ ଦିନର୍ ୧୨ ବାଜିକରି ୪୦ ମିନିଟ୍ କଲାହାଣ୍ଡି ନ ପୁହୁଟିବାର ଉତ୍ତରୁ ଜିଲ୍ଲା ପୁଲିସ୍ ପ୍ରଶାସନ୍ର କଡ଼ା ସୁରକ୍ଷା ଭିତ୍ରେ ଆସିକରି ଦିନର୍ ୧ ବଜେ ଲାଲ୍ବାହାଦୂର୍ ଶାସ୍ତ୍ରୀ ଷ୍ଟାଡ଼ିୟମ୍ ନ ପୁହୁଟିକରି ସାଧାରଣ ସତ୍ତା ଉଦ୍‌ବୋଧନ୍ ଦେଇଥିଲେ । ଆଏବା ୧୦ ନୁ ୧୫ ବଛର୍ ଭିତ୍ରେ ଦେଶେ କେନ୍‌ସି ଲୋକ୍ ଗରିବ୍ ନାଇଁ ରହନ୍ ବଲି ସେ ଜୋର୍ ଦେଇକରି କହିଥିଲେ ।

(ଭଏସ୍ ଓଭର୍-ରାଜନାଥ ସିଂ)

ଭବାନୀପାଟ୍ନା ନ କାର୍ଯ୍ୟକ୍ରମ ସାରିକରି ଶ୍ରୀ ସିଂ ଦୁଇପହରେ ୩ ବାଜିକରି ୨୦ ମିନିଟ୍ ରାୟଗଡ଼ା ନ ବିଜେପି ତରଫୁ

ହେଇଥିବା ଭିନ୍ ଭିନ୍ ଜନସଭାକେ ସମ୍ବୋଧିତ୍ କରିକରି  
ଦଲୀୟ ପ୍ରାର୍ଥୀମାନଙ୍କର ଲାଗି ନିର୍ବାଚନ ପ୍ରଚାର କରିଛନ୍ ।

ବିଜେପି ନିର୍ବାଚନ ପ୍ରଚାର ଆରମ୍ଭ/ କଟକ

ଛତିଶଗଡ଼ ମୁଖ୍ୟମନ୍ତ୍ରୀ ବିଷ୍ଣୁଦେବ ସାଏ ଆଏଜ୍ ୨ ଦିନିଆ  
ଓଡ଼ିଶା ଗସ୍ତ ଆସିଛନ୍ । ଆଏଜ୍ ସେ ନବରଙ୍ଗପୁର ଲୋକସଭା  
ନିର୍ବାଚନ ମଣ୍ଡଳୀର ୨ ଟା ଜାଗା ନ ହେଇଥିବା ଜନସଭା  
ଦଲୀୟ ପ୍ରାର୍ଥୀଙ୍କର ଲାଗି ପ୍ରଚାର କରିଥିଲେ । ସେନ୍ତା  
ଆଏବାକାଏଲ୍ କୋରାପୁଟ୍ ଜିଲ୍ଲାର ଲକ୍ଷ୍ମୀପୁର ଆର୍ କୋରାପୁଟ୍  
ନ ହେବାରକେ ଥିବା ଜନସଭାକେ ସମ୍ବୋଧନ କରବାର  
ସହେତେ ଦଲୀୟ ପ୍ରାର୍ଥୀଙ୍କର ଲାଗି ପ୍ରଚାର କରବେ ବଳି ସୂଚନା  
ମିଳିଛେ ।

ନୂଆପଡ଼ା ବିଧାନସଭା ନିର୍ବାଚନ ମଣ୍ଡଳୀ ନ ଛତିଶଗଡ଼  
ଉପମୁଖ୍ୟମନ୍ତ୍ରୀ ଅରୁଣ କୁମାର ସାଓ ଦଲୀୟ ବିଧାନସଭା  
ପ୍ରାର୍ଥୀମାନଙ୍କର ଲାଗି ନିର୍ବାଚନ ପ୍ରଚାର କରିଛନ୍ ।

ସେନ୍ତା ଆସାମ୍ ମୁଖ୍ୟମନ୍ତ୍ରୀ ହିମନ୍ତ ବିଶ୍ୱଶର୍ମା ଆଏବାକାଏଲ୍  
ସାଡ଼େ ୧୦ ବଜେ ମାଲକାନଗିରି ଜିଲ୍ଲା କାଲିମେଳା,  
ମଏଧାନର ୧୨ ବାଜିକରି ୧୦ ମିନିଟ୍ ଚିତ୍ରକୋଣ୍ଡା ଆର୍  
ଦୁଇପହର ୩ ବଜେ ଆସ୍କା ଲୋକସଭା ଅଧିନ୍ଥି ଥିବା  
ଖଲିକୋଟ୍ ନ ହେବାରକେ ଥିବା ଜନସଭା ଯୋଗ୍

ଦେବେ ବଳି ବିଜେପି ରାଜ୍ୟ ଉପସଭାପତି ଗୋଲକ୍  
ମହାପାତ୍ର ସୂଚନା ଦେଇଛନ୍ ।

କେନ୍ଦ୍ରମନ୍ତ୍ରୀ ନୀତିନ୍ ଗଡ଼କରୀ-ଓଡ଼ିଶା ଆରଏନ୍ୟୁ/ କଟକ

କେନ୍ଦ୍ର ସଡ଼କ ଆଉ ପରିବହନ ମନ୍ତ୍ରୀ ନୀତିନ୍ ଗଡ଼କରୀ ଆଏବା  
କାଏଲ୍ ଓଡ଼ିଶା ଗସ୍ତ କରବାର କାର୍ଯ୍ୟକ୍ରମ୍ ରହିଛି । ସେ  
ଭୁବନେଶ୍ୱର ନ ପୁହୁଁଚିଲା ଉତ୍ତରୁ ଶ୍ରୀକ୍ଷେତ୍ର ପୁରୀ ଯାଇକରି  
ମାହାପୁରୁମାନକର ଦର୍ଶନ କରବେ । ଦୁଇପହରର ୩ ବଜେ  
କୃଷ୍ଣପ୍ରସାଦ୍ ଆଉ ୪ ବାଜିକରି ୧୫ ମିନିଟ୍ ପିପିଲି ନ  
ହେବାରକେ ଥିବାର ଜନସଭାକେ ସମୋଧିତ୍ କରବାର  
ସହେତେ ଦଲୀୟ ପ୍ରାର୍ଥୀମାନକର ଲାଗି ସେ ନିର୍ବାଚନ  
ପ୍ରଚାର କରବେ ବଳି ଜନାପଡ଼ିଛି ।

ବିଶ୍ୱ ରେଡ଼କ୍ରସ୍ ଦିବସ୍ ସମ୍ବଲପୁର/ ବୌଦ୍ଧ ସମାଦଦାତା

ଆଏଜ୍ ବିଶ୍ୱ ରେଡ଼କ୍ରସ୍ ଦିବସ୍ । ରେଡ଼କ୍ରସ୍ ଆଉ ରେଡ଼  
କ୍ରିସେଂଟ୍ ଆନ୍ଦୋଳନର ପ୍ରତିଷ୍ଠାତା ହେନେରୀ ଡିଓନାଂଟ୍ କର  
ସମ୍ମାନଥ୍ ଫି ବଛର ମେ ମାସର ୮ ତାରିଖ୍ ବିଶ୍ୱ ରେଡ଼କ୍ରସ୍  
ଦିବସ୍ ପାଲିତ୍ ହେଇଆସୁଛି । ଅନ୍ତର୍ଜାତୀୟ ରେଡ଼କ୍ରସ୍ ଆର

ରେଡ୍ କ୍ରିସ୍ଟୋଫ୍ ଆନ୍ଦୋଲନ୍ ବାବ୍ଦେ ଲୁକ୍କର୍ ଧାରଣାକେ  
ବ୍ୟାପକ୍ କର୍ବାର୍ ଲାଗି ଇ ଦିବସ୍ ପାଲନ୍ କରାଯାଏସି ।

ଇ ଅବ୍ସରେ ସମ୍ବଲପୁର୍ ବୁଢ଼ାରଜା ଉଚ୍ଚବିଦ୍ୟାଳୟ ନ ବିଶ୍ୱ  
ରେଡ୍ କ୍ରସ୍ ଦିବସ୍ ପାଲିତ୍ ହେଇଯାଇଛେ । ଇ କାର୍ଯ୍ୟକ୍ରମ୍  
ଡି.ପି.ଇ.ଓ. ମୁଖ୍ୟ ଅତିଥି ଭାବେ ଯୋଗ୍ ଦେଇକରି ରେଡ୍ କ୍ରସ୍  
ଦିବସ୍ ମହନତା ବାବ୍ଦେ ଛାତ୍ରଛାତ୍ରୀମାନ୍କୁ ବୁଝେଇଥିଲେ ।

ବୌଦ୍ଧ ଜିଲ୍ଲାପାଲଙ୍କର୍ କାର୍ଯ୍ୟାଳୟ ନ ବିଶ୍ୱ ରେଡ୍ କ୍ରସ୍ ଅବ୍ସରେ  
ଗୁଟେ ସଭା ହେଇଯାଇଛେ । ଇଥି ଅତିରିକ୍ତ ଆରକ୍ଷୀ  
ଅଧିକ୍ଷକ୍ ମାରିଆନ୍ସ ମିଞ୍ଜ୍ ଅଧିକ୍ଷତା କରିଥିଲେ । ଛାତ୍ର  
ଜୀବନ୍ରୁ ହିଁ ଦେଶର୍ ସେବା କର୍ବାର୍କେ ଆଗ୍ କେ  
ଆସ୍ ବାର୍କେ ଉପସ୍ଥିତ୍ ଅତିଥି ମାନେ ଛାତ୍ରଛାତ୍ରୀମାନ୍କୁ  
ପରାମର୍ଶ ଦେଇଥିଲେ ।

ବିଶ୍ୱ ଥାଲାସେମିଆ ଦିବସ

ଆର୍ଏନ୍ୟୁ ସମ୍ବଲପୁର୍

ଆଏଜ୍ ବିଶ୍ୱ ଥାଲାସେମିଆ ଦିବସ୍ । ଦେଶର୍ ମୋଟ୍  
ଜନସଂଖ୍ୟାର୍ ପାଖାପାଖି ୧ ଦଶମିକ୍ ୫ ପ୍ରତିଶତ୍ ଲୋକ୍  
ଥାଲାସେମିଆଥି ଆକ୍ରାନ୍ତ ହେଇଥିବାର୍ ବେଲେ ରାଏଜେ  
୧୨ ହଜାରନ୍ ଅଧିକ୍ ଥାଲାସେମିଆ ରୋଗୀ ରହିଥିବାର୍  
ଜନାପଡ଼ିଛେ । ଥାଲାସେମିଆ ଗୁଟେ ରକ୍ତବିକାର ରୋଗ ।  
ମୁନୁଷ୍ ଶରୀରଥି ହିମୋଗ୍ଲୋବିନ୍ର ପରିମାଣ୍ ଠିକ୍ ନାହିଁ

ରହେଲେ ଇ ରୋଗ୍ ହେଇଥିବି । ଇ ରୋଗର ଚିକିତ୍ସା ବାବଦେ ଲୁକ୍କୁ ସଚେତନ କରବାର ଲାଗି ଇ ଦିବସ୍ ପାଳନ୍ କରାଯାଇଛି । ଇ ଅବସରେ ରାଜ୍ୟର ଭିନ୍ ଭିନ୍ ଜାଗା ନ ସଚେତନତା କାର୍ଯ୍ୟକ୍ରମମାନ ଆୟୋଜନ କରାଯାଇଛି ।

ମିଡିଆ ସେଠର ଉଦ୍‌ଘାଟନ ଆରବନ୍‌ୟୁ / ସମ୍ବଲପୁର

ମୁଖ୍ୟ ନିର୍ବାଚନ ଅଧିକାରୀଙ୍କର କାର୍ଯ୍ୟାଳୟ ପରିସର ନ ମୁଖ୍ୟ ନିର୍ବାଚନ ଅଧିକାରୀ ନିକୃଷ୍ଣା ବିହାରୀ ଧଳ ଆଏଜ ମିଡିଆ ସେଠର ଉଦ୍‌ଘାଟନ କରିଛନ୍ । ଇ କାର୍ଯ୍ୟକ୍ରମ ଅତିରିକ୍ତ ମୁଖ୍ୟ ନିର୍ବାଚନ ଅଧିକାରୀ ଡକ୍ଟର ତିରୁମଳା ନାୟକ ଶତ୍ରୁଘ୍ନ କର ଆର ମିହିର ପ୍ରସାଦ ମହାନ୍ତି ଉପସ୍ଥିତ ଥିଲେ । ଇ ମିଡିଆ ସେଠର ଆଏବା ଦିନେ ନିର୍ବାଚନ ପରିଚାଳନାକେ ସ୍ପଷ୍ଟ, ମୁକ୍ତ ଆର ଅବାଧି କରବାର ଦିଗେ ସାହାଜ୍ କରବା ବଳି ମୁଖ୍ୟ ନିର୍ବାଚନ ଅଧିକାରୀ କହିଛନ୍ । ସେହା ନିର୍ବାଚନ ପରିଚାଳନା ଦିଗେ ଗଣମାଧ୍ୟମ ଗୁଡେ ଗୁରୁତ୍ୱପୂର୍ଣ୍ଣ ସହଭାଗୀ ଆଏ ବଳି ଇ ଅବସରେ ଶ୍ରୀ ଧଳ କହିଥିଲେ ।

ମାଓବାଦୀ ଆତ୍ମସମର୍ପଣ ବୌଦ୍ଧ ସମାଦଦାତା



ବୌଦ୍ଧ ଜିଲ୍ଲା ନି ଆଏଜ୍ ୯ ଝନ୍ ମାଓବାଦୀ ପୁଲିସ୍ ଆଇ.ଜି.ଙ୍କର  
ଉପସ୍ଥିତିଥି ଆମ୍ବସମର୍ପଣ କରିଛନ୍ । ସେମାନଙ୍କର ଭିତରୁ ୨  
ଝନ୍ ମହିଳା କେଡ଼ରର ହେଇଥିବାର ବେଳେ ୭ ଝନ୍ ପୁରୁଷ  
କେଡ଼ରର ବଳି ସାମ୍ବାଦିକ୍ ସମ୍ମଳନୀଥି ପୁଲିସ୍ ଆଇ.ଜି.  
ଜୟନାରାୟଣ୍ ପଙ୍କଜ୍ ସୁଚନା ଦେଇଛନ୍ ।  
ମାଓବାଦୀମାନେ କେ.କେ.ବି.ଏନ୍. ଛତିଶଗଡ଼୍ ଦନ୍ତେଝାଡ଼ା  
ଇଲାକାର୍ ଆନ୍ ବଳି ଜନାପଡ଼ିଛେ । ଆଏଜ୍ ସେମାନେ  
ଲାଲ୍ ବାହିନୀ ଛାଡ଼ିକରି ସମାଜ୍ ମୁଖ୍ୟ ସ୍ରୋତଥି ସାମିଲ୍  
ହେଇଛନ୍ ।

ରଥ କାଠ- ରେଡ଼ାଖୋଲ୍ ସମ୍ବଲପୁର ସମ୍ବାଦଦାତା

ଶ୍ରୀକ୍ଷେତ୍ର ପୁରୀ ନି ମାହାପୁରୁମାନଙ୍କର ରଥ ତିଆରି ଲାଗି  
ସମ୍ବଲପୁର ଜିଲ୍ଲା ରେଡ଼ାଖୋଲ୍‌ନୁ ପହେଲା ଖେପେ  
ଦରକାରୀ କାଠ୍ ପଠାଯାଇଛେ । ରେଡ଼ାଖୋଲ୍ ବନଖଣ୍ଡ  
ନାକଟିଦେଉଲ୍ ବୁକ୍‌ର ଗିରିଶଚନ୍ଦ୍ରପୁର ବନାଠଲ୍  
ଖୋଲଗଡ଼୍ ସଂରକ୍ଷିତ ଜଙ୍ଗଲ୍‌ନୁ ୮୧ ଖଞ୍ଡ୍ ଧଉରା କାଠ  
ଆର୍ ୪ ଖଞ୍ଡ୍ ଅସନ କାଠ ପୁରୀକେ ପଠାଯାଇଛେ । ଆଉ  
୨୧ ଖଞ୍ଡ୍ କାଠ୍ ପୁରୀ ପଠାଯିବାର ସୁଚନା ରହିଛେ ।  
ଆଏଜ୍ ସଡ଼ୋ ଗାଁ ନି ରୀତି ଅନ୍‌ସାରେ ପୂଜା ଅର୍ଚ୍ଚନା ଉତ୍ତରୁ  
କାଠ୍ ପଠାଯାଇଥିଲା ।

ବନକଲାଗି

ଆରବନ୍ଧୁ/ ସମ୍ବଲପୁର

ପୁରୀ ଶ୍ରୀମନ୍ଦିର ନ ଆଏଇ ବୈଶାଖ ମାସର ଅନ୍ତରାପଣ୍ଡ ଉଆଁସ  
ତିଥି ନ ଶ୍ରୀଜୀଉମାନଙ୍କର ବନକଲାଗି ନୀତି ଚାଲିଛି । ୨  
ନମ୍ବର ଭୋଗମଣ୍ଡପ ଭୋଗ ନୀତି ଶେଷ ହେବାର ଉତ୍ତରୁ  
ବେଲ୍‌ବୁଡ଼ା ୬ ବଜେ ନୁ ରାତି ୧୨ ବଜେତକ୍  
ସର୍ବସାଧାରଣ ଦର୍ଶନ ବନ୍ଦ କରାଯାଇଛି ବଳି ଶ୍ରୀମନ୍ଦିର  
ପ୍ରଶାସନ ତରଫୁ ସୂଚନା ଦିଆଯାଇଛି । ବନକଲାଗି ନୀତି  
ଉତ୍ତରୁ ମହାସ୍ନାନ ହେବା ଆର ମହାପୁରୁମାନଙ୍କର ଦର୍ଶନ  
ସ୍ଵାଭାବିକ ହେବା ବଳି ଜନାପଡ଼ିଛି ।

ରବି ଧାନ ଘିନା

ଆରବନ୍ଧୁ/ ସମ୍ବଲପୁର

ଚଲ୍‌ତି ରବି ରତ୍ନୁ ଲାଗି ସୋନପୁର ଜିଲ୍ଲାର ଭୁଞ୍ଜୁରିପାଲି ଆର  
ବିନ୍‌କା ବୁକ୍ ନ ୨୨ ତାରିଖକୁ ଧାନ ଘିନା ମୁଲ୍ ହେବା ବଳି  
ଆରବନ୍ଧୁ ସମ୍ପାଦକ ଉଦିତ୍ ବାରୁ ସୂଚନା ଦେଇଛନ୍ । ଇ  
ଦିଗେ ପ୍ରଶାସନ ଆର ସମ୍ପୃକ୍ତ ବିଭାଗ ତରଫୁ ବ୍ୟାପକ୍  
ପ୍ରସ୍ତୁତି କରାଯାଇଛି ।

ପାଣିପାଗ

ଆରବନ୍ଧୁ / ସମ୍ବଲପୁର

କାଲବୈଶାଖୀର ପ୍ରଭାବ୍ଧୁ ଆଏବା ୧୦ ତାରିଖତକ୍ ବର୍ଷା  
ହେବା ବଳି ପାଣିପାଗ୍ ବିଭାଗ୍ ଅନୁମାନ୍ କରିଛେ । ବୌଦ୍ଧ  
ସହେତେ ରାଜ୍ୟର୍ ସମୁଦ୍ରକୂଳିଆ ଜିଲ୍ଲାମାନ୍କେ ବିଜ୍ଞା  
ମାରିକରି ବର୍ଷା ହେବା ବଳି ଆଂତଳିକ୍ ପାଣିପାଗ୍ ବିଜ୍ଞାନ୍  
କେନ୍ଦ୍ର ତରଫୁ ଯେଲୋ ଓ୍ଵାଣ୍ଟ୍ ଜାରି କରାଯାଇଛେ । ଆଏଜ୍  
ରାଜ୍ୟର୍ ସବୁନ୍ ଜହ୍ ତାତି ବଲାଇର୍ ନ ୪୦ ଡିଗ୍ରୀ  
ସେଲ୍ସିଅସ୍ ରେକର୍ଡ୍ କରାଯାଇଛେ । ପଶ୍ଚିମ ଓଡ଼ିଶାର୍  
ବାକି ଇଲାକା ନ ତାପମାତ୍ରା ୩୯ ଡିଗ୍ରୀ ନୁ କମ୍ ଥିଲା ।